

《大智度論》卷 22

〈釋初品中八念義第三十六之餘〉

（大正 25，221b12-228c25）

釋厚觀（2008.04.12）

肆、八念

（壹）明經說次第，何故九相之後說八念（承上卷 21）

（貳）釋「八念」（承上卷 21）

一、念佛（承上卷 21）

二、念法（印順法師，《大智度論筆記》〔F004〕p.330）

（一）念法之德用：巧出，得今世界，無熱惱，不待時，能到善處，通達無礙

1、總說

念法者，如佛演說，行者應念：是法巧出，得今世界¹，無熱²惱，不待時，能到善處，通達無礙。

2、別釋

（1）巧出（印順法師，《大智度論筆記》〔F004〕p.330）

A、明內法之德

「巧出」者，

（A）二諦不相違

二諦不相違故，³所謂世諦、第一義諦是⁴；智者不能壞、愚者不起諍故。⁵

（B）離二邊

是法亦離二邊，所謂若受五欲樂，若受苦行；復離二邊：若常、若斷，若我、若無我，若有、若無——如是等二邊不著。⁶

是名「巧出」。

B、簡別外道

諸外道輩自貴其法、毀賤他法故，不能巧出。

（2）得今世界（印順法師，《大智度論筆記》〔F004〕p.330）

「得今世界」者，

A、明內法之德

（A）離世苦、諍論，得身心安樂

¹ 念法：得今世界。（印順法師，《大智度論筆記》〔F004〕p.330）

² 《大正藏》原作「執」，今依《高麗藏》作「熱」（第 14 冊，597a6）。

³ 二諦不違（巧出）。（印順法師，《大智度論筆記》〔C006〕p.191）

⁴ 〔是〕—【宋】【元】【明】【宮】。（大正 25，221d，n.9）

⁵ 智者不壞，愚者不諍。（印順法師，《大智度論筆記》〔C006〕p.191）

順第一義說世俗無咎，二諦不違。（印順法師，《大智度論筆記》〔C006〕p.191）

⁶ 二邊。（印順法師，《大智度論筆記》〔J001〕p.489）

離愛因緣世間種種苦，離邪見因緣種種論議鬭諍，身心得安樂。如佛說：「持戒者安樂，身心不熱惱，臥安覺亦安，名聲⁷亦遠聞。」⁸

(B) 因持戒……得涅槃 (印順法師，大智度論筆記) [C031] p.235)

復次，此佛法中因緣展轉生果，所謂持戒清 (221c) 淨故心不悔，心不悔故生法歡喜，法歡喜故身心快樂，身心快樂故能攝心，攝心故如實知，如實知故得厭，得厭故離欲，離欲故得解脫，得解脫果報得涅槃。⁹

是名「得今世界」。

B、簡別外道

外道法空行苦，無所得。如閻浮阿羅漢得道時自說：

「我昔作外道，五十有五¹⁰年，但食乾牛屎，裸形臥棘上。

我受如是辛苦，竟無所得；不如今得見佛聞法，出家三日¹¹，所作事辦，得阿羅漢。」¹²

以是故，知佛法得今世界。

C、釋疑：「何故有佛弟子今不得果」疑

問曰：若佛法得今世界，何以故佛諸弟子有無所得者？

答曰：

(A) 依教行則得果；不依行，破戒亂心則不得 (印順法師，大智度論筆記) [E023] p.322)

行者能如佛所說，次第修行，無不得報；如病人隨良醫教，將和治法，病無不差¹³。若不隨佛教，不次第行，破戒亂心，故無所得，非法不良也！

(B) 漸次必得終不虛

復次，諸未得道者，今世雖不得涅槃，後世得受福樂，漸次當得涅槃，終不虛也。如佛所說：「其有出家為涅槃者，若遲若疾，皆當得涅槃。」¹⁴

如是等能得今世界。

⁷ 《大正藏》原作「覺」，今依《高麗藏》作「聲」(第14冊，597a18)。

⁸ 參見《法句經》卷1〈5 戒慎品〉(大正4，560c23-27)；《出曜經》卷9〈7 戒品〉(大正4，654c26-29)

另參見 Lamotte (1970, p.1363, n.1) : Udānavarga, VI, 3, p.149。

⁹ 參見《中阿含經》卷10(42經)《何義經》：「阿難！無欲者，令解脫義。阿難！若有無欲者，便得解脫一切姪、怒、癡。是為，阿難！因持戒便得不悔，因不悔便得歡悅，因歡悅便得喜，因喜便得止，因止便得樂，因樂便得定。阿難！多聞聖弟子因定便得見如實、知如真，因見如實、知如真便得厭，因厭便得無欲，因無欲便得解脫，因解脫便知解脫：生已盡，梵行已立，所作已辦，不更受有，知如真。阿難！是為法法相益、法法相因。如是此戒趣至第一，謂度此岸，得至彼岸。」(大正1，485b6-16)

另參見 Lamotte (1970, p.1363, n.2) : Saṃyutta (巴利《相應部》) IV, p.79。

¹⁰ 五=餘【宮】。(大正25，221d，n.11)

¹¹ 日=月【元】【明】。(大正25，221d，n.12)

¹² 參見 Lamotte (1970, p.1364, n.1) : Theragāthā (《長老偈》)，p.34, v.283-286；《撰集百緣經》卷5(大正4，227a-228a)。

¹³ 差(𠂔𠂔)：病除。(《漢語大詞典》(二)，p.973)

¹⁴ 參見 Lamotte (1970, p.1365, n.1) : 見《大智度論》卷13(大正25，160c-161c)。

〔3〕無熱惱三說（印順法師，大智度論筆記）〔F004〕p.330）

「無熱惱」者，

A、無身惱、心惱

熱惱有二種：身惱，心惱。¹⁵

身惱者，繫縛牢獄、拷¹⁶掠、刑戮等。

心惱者，婬欲、瞋恚、慳貪、嫉妬因緣故，生憂愁、怖畏等。

此佛法中，持戒清淨故，身無是繫縛牢獄、拷掠、刑戮等惱；心離五欲、除五蓋、得實道故，無是婬欲、瞋恚、慳貪、嫉妬、邪疑等惱——無惱故無熱。

B、無漏禪定生喜樂，無復熱惱

復次，無漏禪定生喜樂，遍身受故，諸熱則除；譬如人大熱悶，得入清涼池中，冷然清了，無復熱惱。

C、無見愛等煩惱故名無熱惱

復次，諸煩惱若屬見、若屬愛，是名「熱」；佛法中無此故，名「無熱惱」。

〔4〕不待時三說（印順法師，大智度論筆記）〔F004〕p.330）

「不待時」者，(222a) 佛法不待時而行，亦不待時與果。

A、隨修八聖道時便得涅槃，不待時

外道法，日未出時受法，日出時不受法；或有日出時受，日未出時不受；有晝受夜不受，有夜受晝不受。

佛法中無受待¹⁷時，隨修八聖道時，便得涅槃。譬如火得薪便然；無漏智慧生時，便能燒諸煩惱，不待時也。

B、若戒定慧皆成就便得果，不復待時

問曰：如佛說，有時藥、時衣、時食；¹⁸若人善根未熟，待時當得，何以言無時？

答曰：此「時」者，隨世俗法，為佛法久住故，結時戒；若為修道得涅槃及諸禪定、智慧微妙法，不待時也。

諸外道法皆待時節，佛法但待因緣具足。若雖持戒、禪定，而智慧未成就，不能成道；若持戒、禪定、智慧皆成就，便得果，不復待時。

C、心淨人聞法即得果，名不待時

復次，久久得果名為時，即¹⁹得不名時。譬如好染一入便成；心淨人亦如是，聞法即染²⁰，得法眼淨，是名「不待時」。

¹⁵ 二種惱（身、心）。(印順法師，《大智度論筆記》〔J031〕p.520)

¹⁶ 拷＝考【宋】【元】【明】【宮】*。(大正 25，221d，n.13)

¹⁷ 待＝行【宮】【石】。(大正 25，222d，n.1)

¹⁸ 為佛法久住結時（藥衣食）戒。(印順法師，《大智度論筆記》〔C007〕p.194)

參見《大智度論》卷 1（大正 25，66a）。

參見 Lamotte (1970, p.1367, n.1)：Vinaya（巴利《律藏》）I, p.200; Saṃyutta（巴利《相應部》）V, p.470。

¹⁹ 即＋（時）【宋】【元】【明】【宮】。(大正 25，222d，n.4)

²⁰ 染：4.熏染，影響。《書·胤征》：「舊染汙俗，咸與維新。」《墨子·所染》：「舜染於許由、伯陽、湯染於伊尹、仲虺。」（《漢語大詞典》（四），p.935）

(5) 能到善處 (印順法師，大智度論筆記) [F004] p.330)

「能到善處」者，是三十七無漏道法，能將²¹人到涅槃；譬如入恒河，必得至大海。諸餘外道法，非一切智人所說，邪見雜故，將至惡處；或時將至天上，還墮受苦，皆無常故，不名善處。

※ 無有將去者，云何能帶至善處

問曰：無有將去者，云何得將至善處？

答曰：雖無將去者，但諸法能將諸法去；無漏善五眾²²斷，五眾中強名眾生，將去入涅槃。如風吹塵，如水漂草；雖無將去者，而可有去。

復次，因緣和合無有作，亦無有將去者，而果報屬因緣，不得自在，是即名為去。

(6) 通達無礙 (印順法師，大智度論筆記) [F004] p.330)

「通達無礙」者，得佛法印²³故，通達無礙；如得王印，則無所留難²⁴。

A、三法印：出體 (印順法師，大智度論筆記) [F003] p.329)

問曰：何等是佛法印？

答曰：佛法印有三種：一者、一切有為法念念生滅皆無常，二者、一（222b）切法無我，三者、寂滅涅槃。²⁵

B、廣明三法印**(A) 諸行無常印**

行者知三界皆是有為生滅作法，先有今無，今有後無，念念生滅，相續相似生故，可得見知；如流水、燈焰、長風²⁶，²⁷相似相續故，人以為一。²⁸眾生於無

²¹ 將：5.送行。9.帶領，攜帶。（《漢語大詞典》（七），p.805）

²² 眾＝陰【石】。（大正 25，222d，n.6）

²³ 參見 Lamotte (1970, p.1368, n.1)：關於「法印」，參見《大智度論》卷 15（大正 25，170a2-4），卷 22（222a28-b1），卷 26（253c13-15），卷 32（297c23-24）；《雜阿含經》卷 3（80 經）（大正 2，20a25-b28）；《佛說聖法印經》（大正 2，500a-b）；《大毘婆沙論》卷 104（大正 27，541c10）；《阿毘曇毘婆沙論》卷 46（大正 28，349a23）；《十住毘婆沙論》卷 1（大正 26，25a17），卷 10（大正 26，73b23）；《彌勒菩薩所問經論》卷 2（大正 26，240b15）；《成實論》卷 6（大正 32，281c2），卷 12（大正 32，332c15），卷 15（大正 32，363b23，365a26）；《大方廣佛華嚴經》卷 5（大正 10，22c1），卷 18（大正 10，97a17-18）；《大方廣總持寶光明經》卷 2（大正 10，891a24）；《大寶積經》卷 6（大正 11，35a11，36a1），卷 25（大正 11，141a），卷 116（大正 11，656c12）；《入法界體性經》卷 1（大正 12，237a3）。

²⁴ 《大正藏》原作「離」，今依《高麗藏》作「難」（第 14 冊，598a14）。

²⁵ 關於「諸行無常、諸法無我、涅槃寂靜」（三法印）類似的內容，參見《雜阿含經》卷 10（262 經）（大正 2，66b14，66c7，66c21）；Anguttara（巴利《增支部》）I, p.286；《大毘婆沙論》卷 9（大正 27，45a21）；《根本說一切有部毘奈耶》卷 9：「諸行皆無常，諸法悉無我，寂靜即涅槃，是名三法印。」（大正 23，670c2-3）；《成實論》卷 1：「佛法中有三法印：一切無我，有為諸法念念無常，寂滅涅槃。」（大正 32，243c16-18）；《蓮華面經》卷 2：「一切行無常，一切法無我，及寂滅涅槃，此三是法印。」（大正 12，1077a23-24）

²⁶ 長風：1.遠風。《文選·左思〈吳都賦〉》：「習御長風，狎翫靈霄。」劉逵注：「長風，遠風也。」2.暴風，大風。玄應《一切經音義》卷一引《兼明苑》：「風暴疾而起者謂之長風。」（《漢語大詞典》（十一），p.593）

常法中常顛倒故，謂去者是常住——是名「一切作法無常印」。

〔B〕諸法無我印

一切法無我：諸法內無主、無作者、無知、無見、無生者、無造業者，一切法皆屬因緣，屬因緣故不自在，不自在故無我，²⁹我相不可得故；如〈破我品〉³⁰中說——是名「無我印」。

※ 釋疑：何故但說有為法無常，而說一切法無我

問曰：何以故但作法無常，一切法無我？

答曰：

a、不作法無因緣，故非無常（印順法師，大智度論筆記）〔D009〕p.252）

不作法無因無緣故，不生不滅；不生不滅故，不名為無常。

b、不作法不生心著，故非無常（印順法師，大智度論筆記）〔D009〕p.252）

復次，不作法中不生心著顛倒，以是故不說是「無常」，可說言「無我」。有人說：「神是常遍知相。」以是故說「一切法中無我」。

〔C〕涅槃寂滅印

寂滅者是涅槃，三毒、三衰³¹火滅故，名³²「寂滅印」。

a、釋疑：為何寂滅印唯說一法，不多說？〔兼明三法印之關係〕

問曰：寂滅印中，何以但一法，不多說？

答曰：

〔a〕初五眾，次一切法，後二印之果（印順法師，大智度論筆記）〔F003〕p.329）

初印中說五眾，二印中說一切法皆無我，第三印中說二印果，是名「寂滅印」。

〔b〕初破我所，次破我，後果（印順法師，大智度論筆記）〔F003〕p.329）

一切作法無常，則破我所外五欲等；若說無我，破內我法；我、我所破故，是名「寂滅涅槃」。

〔c〕初厭世間，次離觀主，後無所住（印順法師，大智度論筆記）〔F003〕p.329）

行者觀作法無常，便生厭，厭世苦。

既知厭苦，存著觀主，謂能作是觀，以是故有第二法印，知一切無我。於五眾、十二入、十八界、十二因緣中，內外分別推求，觀主不可得；不可得故，是一切法無我。

²⁷ 無常：三界皆有為生滅，先無今有，今有後無，念念生滅，相續相似生故，可得見知，如流水、燈燄、長風。（印順法師，《大智度論筆記》〔D018〕p.262）

²⁸ 相似相續：人以為一。（印順法師，《大智度論筆記》〔C005〕p.190）

²⁹ 無我：諸法屬因緣，屬緣故不自在，不自在故無我。（印順法師，《大智度論筆記》〔C007〕p.193）

³⁰ 參見釋厚觀、郭忠生合編，〈《大智度論》之本文相互索引〉，《正觀》（6），「破我」，p.47。《大智度論》卷 1（大正 25，64a-b），卷 6（103c14-17），卷 12（148a23-150a15），卷 14（163c7-164a），卷 19（200b26-c29），卷 20（206a28-c14）。

³¹ 衰＝毒【宋】【宮】。（大正 25，222d，n.9）

〔隋〕吉藏撰，《法華義疏》卷 7：「如三毒是三衰因。故出城四門即知貪欲致老，瞋恚致病，愚癡致死。」（大正 34，550c8-9）

³² 名＋（為）【宋】【元】【明】【宮】。（大正 25，222d，n.10）

作如是知已，不作戲論，無所依止，但歸於滅，以是故說「寂滅涅槃印」。

b、釋疑：大乘說「諸法不生不滅」，三法印中說「諸行無常名法印」，二法云何不相違³³

問曰：摩訶衍中說「諸法不生不滅，一相，所謂無相」³⁴，此中云何說「一切有為作法無常名為法印」？二法云何不相違？

答曰：(222c) 觀無常，即是觀空因緣；如觀色念念無常，即知為空。過去色滅壞，不可見故無色相；未來色不生，無作無用，不可見故無色相；**現在色亦無住**，不可見、不可分別知**故無色相**。無色相即是空，空即是無生無滅。無生無滅及生滅其實是一，說有廣略。

※ 因論生論：為何說現在色無色相

問曰：過去、未來色，不可見故無色相，現在色住時可見，云何言無色相？

答曰：現在色亦無住時，如四念處³⁵中說：「若法後見壞相，當知初生時壞相，以隨逐微細故不識。如人著屐，若初日新而無有故，後應常新，不應有故。」若無故應是常，常故無罪無福，無罪無福故，則道俗法亂。復次，生滅相常隨作法，無有住時；若有住時，則無生滅。以是故，現在色無有住。住中亦無³⁶有生滅，是一念中住，亦是有為法故。

是名「通達無礙」。

3、總結「念法之德用」

如是應念法。

(二) 念法及法義 (印順法師，大智度論筆記) [F004] p.330)

復次，法有二種：一者、佛所演說三藏、十二部、八萬四千法聚；二者、佛所說法義，所謂持戒、禪定、智慧、八聖道及解脫果、涅槃等。行者先當念佛所演說，次當念法義。

1、念佛所演說教法

「念佛所演說³⁷」者，

(1) 佛語皆實 (印順法師，大智度論筆記) [F008] p.335)

佛語美妙，皆真實，有大饒益。

³³ 三印即一實印。(印順法師，《大智度論筆記》[F003] p.329)

參見印順法師，《中觀今論》第三章〈緣起之生滅與不生不滅〉，pp.25-40。

³⁴ 參見《摩訶般若波羅蜜經》卷4〈12 句義品〉(大正8，242c2-4)，卷8〈28 幻人聽法品〉(大正8，278c1-2)。

³⁵ 參見《大智度論》卷19(大正25，200a3-9)。

³⁶ [無] — 【宋】【元】【明】【宮】。(大正25，222d，n.14)

³⁷ 1.佛語皆實、2.亦深亦淺、3.重語無失、4.四處莊嚴、5.四答故不可壞、6.遮聽不定
| 7.無戲論而破有無、8.順第一義說世間無咎、9.於淨人為美於不淨人為惡、
| 10.於美語苦語無罪、11.隨善法不著善法、12.訶讚而無所依、13.無增減而有略廣、
| 14.初善久久研求亦善、15.語多而義不薄、16.語雜而義不亂、17.引人心不令人著、
佛說甚奇 | 18.高顯而人不難、19.遍而小人不解、20.令人汗出毛豎、21.令天心厭、
| 22.令捨久所著而樂所不著、23.惡人聞憂怖，善人聞如甘露味、
| 24.一音普被同聞異解、25.處有遠近，聲無增減、26.應度者聞，不度者不聞

(印順法師，《大智度論筆記》[F008] p.335)

(2) 亦深亦淺（印順法師，大智度論筆記）〔F008〕p.335）

佛所演說，亦深亦淺：觀實相故深，巧說故淺。³⁸

(3) 重語無失（印順法師，大智度論筆記）〔F008〕p.335）

重語無失，各各有義故。

(4) 四處莊嚴（印順法師，大智度論筆記）〔F008〕p.335）

佛所演說住四處³⁹，有四種功德莊嚴：一、慧處，二、諦處，三、捨處，四、滅處。

(5) 由此四答故不可壞（印順法師，大智度論筆記）〔C009〕p.198）

有四種答，故不可壞：一、定答，二、解答，三、反問答，四、置答。⁴⁰

(6) 遮聽不定（印順法師，大智度論筆記）〔C023〕p.225）

佛所演說，或時聽而遮，或時遮而聽，或聽而不遮，或遮而不聽——此四皆順從無違。

(7) 無戲論而破有無論（印順法師，大智度論筆記）〔F008〕p.335）

佛說得諸法相故，無戲論；有義理說故，破「有」、「無」論。

(8) 順第一義說世間無咎（印順法師，大智度論筆記）〔F008〕p.335）

佛演說隨順（223a）第一義，雖說世間法亦無咎，與二諦不相違故。

(9) 於淨人為美，於不淨人為惡（印順法師，大智度論筆記）〔F008〕p.335）

隨順利益說，於清淨人中為美妙，於不淨人中為苦惡。

(10) 於美語苦語無罪（印順法師，大智度論筆記）〔F008〕p.335）

於美語、苦語中，亦無過罪。

(11) 隨善法不著善法（印順法師，大智度論筆記）〔F008〕p.335）

佛語皆隨善法，亦不著善法⁴¹。

³⁸ 佛說觀實相故深，巧說故淺。（印順法師，《大智度論筆記》〔C021〕p.222）

佛說亦深亦淺。（印順法師，《大智度論筆記》〔C021〕p.222）

³⁹ 參見《十住毘婆沙論》卷 9：「行於諦處，常不欺誑；行於捨處，淨除慳垢；行於善處，其心善寂；行於慧處，得大智慧。」（大正 26，68c28-69a1）

《十住毘婆沙論》卷 13：「復有四法能攝佛道：一、諦處，二、捨處，三、滅處，四、慧處。」（大正 26，92b10-11）

⁴⁰ 參見《長阿含經》卷 8（9 經）《眾集經》：「復有四法，謂四記論：決定記論，分別記論，詰問記論，止住記論。」（大正 1，51a29-b2）；《中阿含經》卷 29《說處經》（大正 1，609a24-b1），Dīgha（巴利《長部》）III, p.229; Aṅguttara（巴利《增支部》）I, p.197; II, p.46。

《大智度論》卷 2：「有四種答：一、決了答，如佛第一涅槃安隱；二、解義答；三、反問答；四、置答。」（大正 25，75a17-19）

《大智度論》卷 26：「佛有四種答：一者、定答，二者、分別義答，三者、反問答，四者、置答。此十四難法應置答。又復若有所利益事則答，外道所問不為涅槃、增長疑惑，故以置答。知必有所益者，分別為答；必無所益，置而不答。」（大正 25，253b14-18）

⁴¹ 參見 Lamotte（1970，p.1379，n.1）：《大智度論》卷 31：「如佛說《棧喻經》：善法尚應捨，何況不善。」（大正 25，290c21-22）《大智度論》卷 31：「《棧喻經》中說：法尚應捨，何況非法。」（大正 25，295b29-c1）《大智度論》卷 85：「如《棧喻經》說：善法尚應捨，何況不善法。」（大正 25，657a2-3）。關於《棧喻經》，參見《增壹阿含經》卷 38（大正 2，760a），《中

〔12〕訶讚而無所依（印順法師，大智度論筆記）〔F008〕p.335）

雖是垢法、怨家，亦不以為高；雖種種有所訶⁴²，亦無有訶罪；雖種種讚法，亦無所依止。

〔13〕無增減而有略廣（印順法師，大智度論筆記）〔F008〕p.335）

佛言說中，亦無增無減，或略或廣。

〔14〕初善久久研求亦善（印順法師，大智度論筆記）〔F008〕p.335）

佛語初善，久久研求亦善。

〔15〕語多而義不薄（印順法師，大智度論筆記）〔F008〕p.335）

佛語雖多，義味不薄。

〔16〕語雜而義不亂（印順法師，大智度論筆記）〔F008〕p.335）

雖種種雜語，義亦不亂。

〔17〕引人心不令人著（印順法師，大智度論筆記）〔F008〕p.335）

雖能引人心，亦不令人生愛著。

〔18〕高顯而人不難（印順法師，大智度論筆記）〔F008〕p.335）

雖殊異高顯，亦不令人畏難。

〔19〕遍而小人不解（印順法師，大智度論筆記）〔F008〕p.335）

雖遍有所到，凡小人亦不能解。

〔20〕令人汗出毛豎（印順法師，大智度論筆記）〔F008〕p.335）

佛語如有種種希有事，能令人衣毛為豎，流汗氣滿，身體戰⁴³懼。

〔21〕令天心厭（印順法師，大智度論筆記）〔F008〕p.335）

亦能令諸天心厭，聲滿十方，六種動⁴⁴地。

〔22〕令捨久所著而樂所不著（印順法師，大智度論筆記）〔F008〕p.335）

亦能令人於無始世界所堅著者能令捨，所不堅著者能令樂。

〔23〕惡人聞憂怖，善人聞如甘露味（印順法師，大智度論筆記）〔F008〕p.335）

佛語，罪惡人聞之，自有罪故，憂怖熱惱；善一心精進入道人聞，如服甘露味，初亦好，中亦好，後亦好。

〔24〕一音普被同聞異解（印順法師，大智度論筆記）〔F008〕p.335）

復次，多會眾中，各各欲有所聞，佛以一言答，各各得解，各各自見佛獨為我說。⁴⁵

阿含經》卷 54（200 經）《阿梨吒經》（大正 1，764c）。

⁴² 訶（厂ㄗ）：1.大聲斥責，責罵。（《漢語大詞典》（十一），p.95）

⁴³ 戰（ㄗㄣˋ）：4.恐懼，發抖。（《漢語大詞典》（五），p.239）

⁴⁴ 動＝振【宋】【元】【宮】，＝震【明】。（大正 25，223d，n.1）

⁴⁵ 參見《大毘婆沙論》卷 79：「佛以一音演說法，眾生隨類各得解，皆謂世尊同其語，獨為我說種種義。」（大正 27，410a16-17）

另參見《阿毘曇毘婆沙論》卷 41（大正 28，306c24），《鞞婆沙論》卷 9（大正 28，482c16），《大寶積經》卷 62〈16 菩薩見實會〉（大正 11，361b6-13）。

〔25〕處有遠近，聲無增減（印順法師，大智度論筆記）〔F008〕p.335）

於大眾中雖有遠近，聞者聲無增減，滿三千大千世界⁴⁶，乃至十方無量世界。

〔26〕應度者聞，不度者不聞（印順法師，大智度論筆記）〔F008〕p.335）

應度者聞，不應度者不聞；譬如雷霆振⁴⁷地，聾者不聞，聽⁴⁸者得悟。如是種種念佛言語。

2、念「法義」

〔1〕總說

何等是法義？信、戒、捨、聞、定、慧等為道諸善法及三法印，如「通達」⁴⁹中說。

〔2〕別明三法印

一切有為法無常、一切法無我、寂滅涅槃，是名佛法義。

是三印，一切論議師所不能壞，雖種種多有所說，亦無能轉諸法性者；如冷相，無能轉令熱。

諸法性不可壞，假使人能傷虛空，是諸法印如法不可（223b）壞。

聖人知是三種法相，⁵⁰於一切依止邪見各各鬪諍處得離；譬如有目人見群盲諍種種色相，愍而笑之，不與共諍。

※ 因論生論：聲聞法說四種實諦，大乘說一實相印，今何故說三實法印

問曰：佛說聲聞法有四種實，摩訶衍中有一實，今何以故說三實？⁵¹

答曰：佛說三種實法印，廣說則四種，略說則一種。

無常即是苦諦、集諦、道諦，說無我則一切法，說寂滅涅槃即是盡諦。

復次，有為法無常，念念生滅故，皆屬因緣，無有自在；無有自在故無我；無常、無我無相故心不著，無相不著故，即是寂滅涅槃。以是故，摩訶衍法中，雖說「一切法不生不滅，一相，所謂無相」，無相即寂滅涅槃。

〔三〕盡理之說：念佛法僧所緣與旃延異（印順法師，大智度論筆記）〔D022〕p.268）

1、法寶攝辟支佛及菩薩功德，是小乘義（印順法師，大智度論筆記）〔E017〕p.315）

是念法三昧，緣智緣盡、諸菩薩及辟支佛功德。

2、念法（佛、僧）所指大小不同（印順法師，大智度論筆記）〔F004〕p.330）

問曰：何以故念佛但緣佛身中無學諸功德？念僧三昧緣佛弟子身中諸學無學法？餘殘善無漏法皆念法三昧所緣？

如來說法：一言普答，各各得解，各謂獨為我說，應度者乃聞，不問遠近。（印順法師，《大智度論筆記》〔C021〕p.221）

⁴⁶ 世界＝國土【石】。（大正 25，223d，n.2）

⁴⁷ 霆振＝霆震【元】【明】，＝電震【石】。（大正 25，223d，n.3）

⁴⁸ 聽＝聰【宋】【元】【明】【宮】。（大正 25，223d，n.4）

⁴⁹ 參見《大智度論》卷 22（大正 25，222a26-c16）。

⁵⁰ 三法印不可壞，諸法性不可壞，是三種法相（法印即法性、法相）。（印順法師，《大智度論筆記》〔F003〕p.329）

⁵¹ 參見印順法師，《中觀今論》，pp.35-37。

答曰：

〔1〕迦旃延尼子說

迦旃延尼子如是說。

〔2〕摩訶衍人說

A、念佛三昧所緣

摩訶衍人說：「三世十方諸佛，及諸佛從初發意乃至法盡，於其中間所作功德神力，皆是念佛三昧所緣。」

B、念法三昧所緣

如佛所說及所說法義經，從一句一偈乃至八萬四千法聚，信、戒、捨、聞、定、智慧等諸善法，乃至無餘涅槃，皆是念法三昧所緣。

C、念僧三昧所緣

諸菩薩、辟支佛、及聲聞眾，除佛，餘殘一切聖眾及諸功德，是念僧三昧所緣。

三、念僧（印順法師，大智度論筆記》〔F004〕p.330）

（一）念僧五眾具足，應受恭敬供養，是無上福田

1、總說

念僧者，是佛弟子眾，戒眾具足，禪定眾、智慧眾、解脫眾、解脫知見眾具足；四雙八輩，應受供養恭敬禮事，是世間無上福田。

2、別釋

〔1〕釋「念五眾具足」（印順法師，大智度論筆記》〔F004〕p.330）

行者應念如佛所讚僧：若聲聞僧、若辟支佛僧、若菩薩僧功德。是聖僧五眾⁵²具足，如上說。⁵³

※ 釋疑：先已讚佛具足五眾，今云何復以五眾讚僧

問曰：先已以五眾讚佛，云何復以五眾讚僧？（223c）

答曰：

A、隨其所得而讚

隨弟子所得五眾而讚具足。

具足有二種：一者、實具足，二者、名具足。

如佛弟子所可應得者，盡得而讚，是名「名具足」；如佛所得而讚，是名「實具足」。

B、簡別內外道

復次，為欲異於外道出家眾、在家眾故，作如是讚。

外道在家眾，讚其富貴、豪尊、勢力；出家眾，讚其邪見苦行，染著智慧，執論諍競。

⁵² 五眾：戒眾、禪定眾、智慧眾、解脫眾、解脫知見眾。

⁵³ 參見《大智度論》卷 21（大正 25，220a-221b）。

念僧眾中，或有持戒、禪定、智慧等，少不足稱；以是故佛自讚弟子眾，一切功德根本住處，戒眾具足乃至解脫知見眾具足。住是戒眾中不傾動，引禪定弓，放智慧箭，破諸煩惱賊，得解脫，於是解脫中生知見。譬如健人先安足，挽⁵⁴弓放箭，能破怨敵⁵⁵，得出二怖：免罪於王，拔難於陣；決了知見，賊已破滅，心生歡喜。是故以五眾讚。

〔2〕釋「應受供養恭敬禮事」（印順法師，大智度論筆記）〔F004〕p.330）

「應供養」者，五眾功德具足故。

如富貴、豪勢之人，人所宗敬；佛弟子眾亦如是，有「淨戒、禪定、智慧」財富，「解脫、解脫知見」勢力故，應供養恭敬、合掌禮事。

〔3〕釋「世間無上福田」（印順法師，大智度論筆記）〔F004〕p.330）

「世間無上福田」者，施主有二種：貧者、富者。貧者禮事、恭敬、迎送而得果報；富者亦能恭敬、禮事、迎送，又以⁵⁶財物供養而得果報。是故名為「世間無上福田」。

譬如良田，耕治調柔，以時下種，溉灌豐渥⁵⁷，所獲必多。

眾僧福田亦復如是，以智慧犁耕，出結使根，以四無量心磨治調柔；諸檀越下信施穀子，溉以念施恭敬、清淨心水，若今世、若後世得無量世間樂及得三乘果。

如薄拘羅比丘，鞞婆尸佛時，以一呵梨勒果供養眾僧，九十一劫天上、人中受福樂果，常無疾病；⁵⁸今值釋迦牟尼佛，（224a）出家漏盡，得阿羅漢。⁵⁹

如沙門二十億，鞞婆尸佛時，作一房舍，以物覆地，供養眾僧，九十一劫天上、人中受福樂果，足不蹈地；生時足下毛長二寸，柔軟淨好。⁶⁰父見歡喜，與二十億兩金。見佛聞法，得阿羅漢，於諸弟子中精進第一。⁶¹

如是等少施得大果報，是故名「世間無上福田」。

〔4〕釋「四雙八輩」（印順法師，大智度論筆記）〔F004〕p.330）

「僧中有四雙八輩」⁶²者，佛所以說世間無上福田，以有此八輩聖人故名「無上福田」。

⁵⁴ 挽（ㄨㄣˇ）：1.拉，牽引。（《漢語大詞典》（六），p.623）

⁵⁵ 敵＝賊【石】。（大正 25，223d，n.14）

⁵⁶ 以＝施【石】。（大正 25，223d，n.15）

⁵⁷ 渥＝泥【宋】【宮】。（大正 25，223d，n.16）

⁵⁸ 薄拘羅一果施常無病。（印順法師，《大智度論筆記》〔H025〕p.418）

⁵⁹ 參見 Lamotte（1970，p.1386，n.1）：《佛五百弟子自說本起經》卷 1（大正 4，194b16-c11）；《根本說一切有部毘奈耶藥事》卷 17（大正 24，82c5-28）。

另參見《諸經要集》卷 5（大正 54，44c9-45a3）。

⁶⁰ 二十億耳初生事。（印順法師，《大智度論筆記》〔G001〕p.378）

沙門二十億房施足生毛。（印順法師，《大智度論筆記》〔H025〕p.418）

⁶¹ 參見 Lamotte（1970，p.1388，n.1）：《佛五百弟子自說本起經》（大正 4，191c24-192a16）；《根本說一切有部毘奈耶藥事》卷 16（大正 24，80a1-26）；《十誦律》卷 25（大正 23，183a15-b3）。

⁶² 念僧：四雙八輩。（印順法師，《大智度論筆記》〔F004〕p.330）

※ 僧中四雙八輩二十七賢聖 (印順法師, 大智度論筆記) [E011] p.305)

問曰：如佛告給孤獨居士：「世間福田應供養者有二種：若學人，若無學人；學人十八，無學人有九。」⁶³今此中何以故但說八？

答曰：彼廣說故十八及九，今此略說故八；彼二十七聖人，此八皆攝。信行、法行，或向須陀洹攝，或向斯陀含攝，或向阿那含攝；家家，向斯陀含攝；一種，向阿那含攝；五種⁶⁴阿那含⁶⁵，向阿羅漢攝；信行、法行入思惟道，名信解脫、見得，是信解脫、見得，十五⁶⁶學人攝。九種福田，阿羅漢攝。

(二) 念僧是良伴 (印順法師, 大智度論筆記) [F004] p.330)

復次，行者應念僧：「僧是我趣涅槃之真伴，一戒、一見，如是應歡喜，一心恭敬，順從無違。我先伴種種眾惡，妻子、奴婢、人民等，是入三惡道伴；今⁶⁷得聖人伴，安隱至涅槃。佛如醫王，法如良藥，僧如瞻病人。⁶⁸我當清淨持戒、正憶念，如佛所說法藥，我當順從。僧是我斷諸結病中一因緣，所謂瞻病人。」是故當念僧。

(三) 念僧德難量 (印順法師, 大智度論筆記) [F004] p.330)

復次，僧有無量戒、禪定、智慧等具足，其德不可測量。⁶⁹

如一富貴長者信樂僧，白僧執事：「我次第請僧於舍食。」日日次請，乃至沙彌，執事不聽沙彌受請。⁷⁰

諸沙彌言：「以何意故不聽沙彌？」

答 (224b) 言：「以檀越不喜請年少故⁷¹。」便說偈言：

「鬚髮白如雪，齒落皮肉皺，僂步⁷²形體羸，樂請如是輩。」

諸沙彌等皆是大阿羅漢，如打師子頭，欬然⁷³從坐起而說偈言：

⁶³ 小乘行位：二十七賢聖。(印順法師,《大智度論筆記》[D025] p.275)

佛為給孤獨說二十七聖。(印順法師,《大智度論筆記》[G001] p.378)

《中阿含經》卷 30 (127 經)《福田經》：「世中凡有二種福田人，云何為二？一者、學人，二者、無學人。學人有十八，無學人有九。……云何十八學人？信行、法行、信解脫、見到、身證、家家、一種、向須陀洹、得須陀洹、向斯陀含、得斯陀含、向阿那含、得阿那含、中般涅槃、生般涅槃、行般涅槃、無行般涅槃、上流色究竟，是謂十八學人。居士！云何九無學人？思法、昇進法、不動法、退法、不退法、護法——護則不退，不護則退——實住法、慧解脫、俱解脫，是謂九無學人。」(大正 1, 616a10-19)

另可參考印順法師,《大智度論筆記》[F009] p.335 對照表。

⁶⁴ 五種=五【宋】【元】【明】【宮】，=六種【石】。(大正 25, 224d, n.3)

⁶⁵ 參見《長阿含經》卷 8 (9 經)《眾集經》：「復有五法，謂五人：中般涅槃、生般涅槃、無行般涅槃、有行般涅槃、上流阿迦尼吒。」(大正 1, 51c12-14)

《大毘婆沙論》卷 174：「有五不還，謂中般涅槃、生般涅槃、有行般涅槃、無行般涅槃、上流往色究竟。」(大正 27, 873c12-13)

⁶⁶ 五=六【石】。(大正 25, 224d, n.4)

⁶⁷ 今=令【石】。(大正 25, 224d, n.5)

⁶⁸ 三寶如醫、藥、瞻病。(印順法師,《大智度論筆記》[E011] p.305)

⁶⁹ 僧德難量。(印順法師,《大智度論筆記》[E011] p.305)

⁷⁰ 參見 Lamotte (1970, p.1393, n.2)：《大莊嚴論經》卷 1 (大正 4, 261a19-262c2)。

⁷¹ 故+ (諸阿羅漢沙彌)【石】。(大正 25, 224d, n.8)

⁷² 僂 (ㄌㄞˇ) 步：彎下身子走路。(《漢語大詞典》(一), p.1631)

⁷³ 欬 (ㄎㄞˋ) 然：忽然。(《漢語大詞典》(六), p.1458)

「檀越無智人，見形不取德；捨是少⁷⁴年相，但取老瘦黑！」

上尊耆年相者，如佛說偈：

「所謂長老相，不必以年耆、形瘦鬚髮白，空老內無德⁷⁵。

能捨罪福果，精進行梵行，已離一切法，是名為長老⁷⁶。」

是時諸沙彌復作是念：「我等不應坐觀此檀越品量僧好惡。」即復說偈：

「讚歎呵罵中，我等心雖一；是人毀佛法，不應不教誨！

當疾到其舍，以法教語之，我等不度者，是則為棄物！」

即時諸沙彌自變其身皆成老年，鬚髮白如雪，秀眉⁷⁷垂覆眼，皮皺如波浪，其脊曲如弓，兩手負杖⁷⁸行，次第而受請；舉身皆振掉⁷⁹，行止不自安，譬如白楊⁸⁰樹，隨風而動搖。

檀越見此輩，歡喜迎入坐；坐已須臾頃，還復年少形。

檀越驚怖言：「如是耆老相，還變成少身；如服還年藥，是事何由然？」

諸沙彌言：

「汝莫生疑畏，我等非非人。汝欲平量僧，是事甚可傷！

我等相憐愍，故現如是化，汝當深識之，聖眾不可量！

如說：(224c)

『譬如以蚊[口*(佳/乃)]⁸¹，猶可測海底；一切天與人，無能量僧者。

僧以功德貴，猶尚不分別；而汝以年歲，稱量諸大德。

大小生於智，不在於老少。有智勤精進，雖少而是老；

懈怠無智慧，雖老而是少。』

汝今平量僧，是則為大失！如欲以一指測知大海底，為智者之所笑！

汝不聞佛說：『四事雖小而不可輕？太子雖小，當為國王，是不可輕；蛇子雖小，毒能殺人，亦不可輕；小火雖微，能燒山野，又不可輕也；沙彌雖小，得聖神通，最不可輕！』⁸²

⁷⁴ 少=耆【宮】【石】。(大正 25, 224d, n.9)

⁷⁵ 參見 Lamotte (1970, p.1395, n.1) : Dhammapada (巴利《法句經》) v.260, Udānavarga, XI, v.11, p.189。

⁷⁶ 參見 Lamotte (1970, p.1395, n.2) : Dhammapada (巴利《法句經》) v.267, Udānavarga, XI, v.12, p.189。

⁷⁷ 秀眉：1.老人眉毛中的長毛，為長壽的象徵。(《漢語大詞典》(八)，p.8)

⁷⁸ 負杖：倚杖，扶杖。(《漢語大詞典》(十)，p.66)

⁷⁹ 振掉：動搖，震動。(《漢語大詞典》(六)，p.601)

⁸⁰ 楊=華【宋】【宮】。(大正 25, 224d, n.12)

⁸¹ [口*(佳/乃)] = 𪔐【元】【明】。(大正 25, 224d, n.14)

𪔐(𪔐×ㄟ×)：1.本作“𪔐”。鳥喙。後泛指人和一切動物、器皿的口。(《漢語大詞典》(三)，p.517)

𪔐(𪔐×ㄟ×)：1.鳥喙。2.泛指形狀或作用像嘴的東西。4.啄。(《漢語大詞典》(十)，p.1359)

⁸² 參見《雜阿含經》卷 46 (1226 經)：「佛告大王：有四種雖小而不可輕。何等為四？剎利王子年少幼小而不可輕，龍子年少幼小而不可輕，小火雖微而不可輕，比丘幼小而不可輕。」(大正 2, 335a3-6)

又有四種人如菴羅果：生而似熟，熟而似生，生而似生，熟而似熟。⁸³佛弟子亦如是：⁽¹⁾有聖功德成就，而威儀、語言不似善人；⁽²⁾有威儀、語言似善人，而聖功德不成就；⁽³⁾有威儀、語言不似善人，聖功德未成就；⁽⁴⁾有威儀、語言似善人，而聖功德成就。

汝云何不念是言，而欲稱量於僧？汝若欲毀僧，是則為⁸⁴自毀，汝為大失！已⁸⁵過事不可追，方來善心，除去諸疑悔，聽我所說：

聖眾不可量，難以威儀知，不可以族姓，亦不以多聞，
亦不以威德，又不以耆年，亦不以嚴容，復不以辯言。
聖眾大海水，功德故甚深。

佛以百事讚是僧，施之雖少得報⁸⁶多，是第三寶聲遠聞，以是故應供養僧。(225a)
不應分別是老少，多知少聞及明闇；如人觀林不分別，伊蘭⁸⁷、瞻蔔⁸⁸及薩羅⁸⁹。
汝欲念僧當⁹⁰如是，不應以愚分別聖。

摩訶迦葉出家時，納衣價直⁹¹十萬金，欲作乞人下賤服，更求麤弊不能得。⁹²
聖眾僧中亦如是，求索最下小福田，能報施者十萬倍，更求不如不可得。

眾僧大海水，結戒為畔際⁹³。若有破戒者，終不在僧數。
譬如大海水，不共死屍宿！」

檀越聞是事，見是神通力，身驚毛豎，合掌白諸沙彌言：

「諸聖人，我今懺悔！我是凡夫人，心常懷罪，我有少疑，今欲請問。」

另參見《別譯雜阿含經》卷 3 (53 經) (大正 2, 391c17-21), 《增壹阿含經》卷 25 (大正 2, 683b26-c1)。

⁸³ 參見《中阿含經》卷 44 (171 經)《分別大業經》：「有四種人：或有人無有似有，或有似無有，或無有似無有，或有似有。阿難！猶如四種奈：或奈不熟似熟，或熟似不熟，或不熟似不熟，或熟似熟。如是，阿難！四種奈喻人：或有人無有似有，或有似無有，或無有似無有，或有似有。」(大正 1, 708c21-26)

另參見 Lamotte (1970, p.1397, n.2):《增壹阿含經》卷 17《四諦品》(7 經)(大正 2, 634a17-b17)。

⁸⁴ 是則為=則為是【宋】【元】【明】【宮】。(大正 25, 224d, n.19)

⁸⁵ 《大正藏》原作「己」，今依《高麗藏》作「已」(第 14 冊, 601c13)。

⁸⁶ 報=果【宋】【元】【明】【宮】。(大正 25, 224d, n.22)

⁸⁷ 《翻譯名義集》卷 3：「《觀佛三昧海經》云：『譬如伊蘭與旃檀生末利山中，牛頭旃檀生伊蘭叢中，未及長大，在地下時，牙莖枝葉，如閻浮提竹筍，眾人不知，言：此山中純是伊蘭，無有旃檀。而伊蘭臭，臭若胖屍，熏四十由旬；其華紅色，甚可愛樂，若有食者，發狂而死。牛頭旃檀雖生此林，未成就故，不能發香；仲秋月滿，卒從地生，成旃檀樹，眾人皆聞牛頭旃檀上妙之香，永無伊蘭臭惡之氣。』」(大正 54, 1102c2-10)

⁸⁸ 《翻譯名義集》卷 3：「瞻蔔，或詹波，正云瞻博迦。《大論》翻黃華，樹形高大。新云苦末羅，此云金色，西域近海岸樹，金翅鳥來，即居其上。」(大正 54, 1104b20-22)

⁸⁹ 《翻梵語》卷 9：「薩羅 (譯曰杉也。)」(大正 54, 1047b21)

⁹⁰ 當=應【石】。(大正 25, 225d, n.1)

⁹¹ 直：23.價值，代價。(《漢語大詞典》(一)，p.853)

⁹² 參見 Lamotte (1970, p.1399, n.1)：巴利《相應部》II, pp.219-222, 《雜阿含經》卷 41 (1144 經) (大正 2, 303b), 《別譯雜阿含經》卷 6 (119 經) (大正 2, 418b)。

⁹³ 畔際：界限，邊際。(《漢語大詞典》(七)，p.1339)

而說偈言：「大德已過疑，我今得遭遇，若復不諮問，則是愚中愚！」

諸沙彌言：「汝欲問者便問，我當以所聞答。」

檀越問言：「於佛寶中信心清淨，於僧寶中信心清淨，何者福勝？」⁹⁴

答曰：「我等初不見僧寶、佛寶有增減。何以故？

※ 佛數數化食事⁹⁵（印順法師，大智度論筆記）〔G001〕p.378）

佛一時舍婆提乞食，有一婆羅門姓婆羅埵逝，佛數數到其家乞食；心作是念：『是沙門何以來數數，如負其債？』

佛時說偈：『時雨數數墮，五穀數數成；數數修福業，數數受果報。

數數受生法，故受數數死；聖法數數成，誰數數生死？』

婆羅門聞是偈已，作是念：『佛大聖人，具知我心。』慚愧，取鉢入舍，盛滿美食以奉上佛。（225b）

佛不受，作是言：『我為說偈故得此食，我不食也！』

婆羅門言：『是食當與誰？』

佛言：『我不見天及人能消是食者，汝持去，置少草地、若無虫水中。』

即如佛教，持食著無虫水中，水即大沸，烟火俱出，如投大熱鐵。婆羅門見已，驚怖言：『未曾有也！乃至食中神力如是！』還到佛所，頭面禮佛足懺悔，乞出家受戒。

佛言：『善來！』即時鬚髮自墮，便成沙門；漸漸斷結，得阿羅漢道。⁹⁶

※ 佛令瞿曇彌以金色衣施僧（印順法師，大智度論筆記）〔G001〕p.378）

復有摩訶瞿曇彌，以金色上下寶衣奉佛。⁹⁷佛知眾僧堪能受用，告瞿曇彌：『以此上下衣與眾僧。』⁹⁸

以是故，知佛寶、僧寶，福無多少。」

檀越言：「若為佛布施，僧能消能受，何以故婆羅埵逝婆羅門食，佛不教令僧食？」

諸沙彌答言：「為顯僧大力故。若不見食在水中有大神力者，無以知僧力為大！若為佛施物而僧得受，便知僧力為大。譬如藥師欲試毒藥，先以與鷄，鷄即時死，然後自服，乃知藥師⁹⁹威力為大！是故，檀越！當知：『若人愛敬佛，亦當愛敬僧，不當有分別，同皆為寶故！』」

爾時，檀越聞說是事，歡喜言：「我某甲從今日，若有入僧數中，若小、若大，一心信敬，不敢分別！」

⁹⁴ 佛僧功德校量。（印順法師，《大智度論筆記》〔E011〕p.306）

⁹⁵ 參見 Lamotte（1970, p.1400, n.2）：《雜阿含經》卷 42（1157 經）（大正 2，308a3-b18），《別譯雜阿含經》卷 4（80 經）（大正 2，401b11-c19），Samyutta（巴利《相應部》）I, pp.173-174。

⁹⁶ 婆羅埵逝出家。（印順法師，《大智度論筆記》〔H001〕p.388）

⁹⁷ 瞿曇彌奉佛金色衣。（印順法師，《大智度論筆記》〔H025〕p.418）

⁹⁸ 參見 Lamotte（1970, p.1403, n.2）：Majjhima（巴利《中部》）III, p.253；《中阿含經》卷 47（180 經）《瞿曇彌經》（大正 1，721c23-722a4）；《分別布施經》（大正 1，903b23-c10）；《賢愚經》卷 12（大正 4，434a6-15）；《五分律》卷 29（大正 22，185b17-23）。

⁹⁹ 師=之【宋】【元】【明】。（大正 25，225d，n.17）

諸沙彌言：「汝心信敬無上福田，不久當得道。何以故？」『多聞及持戒，智慧禪定者，皆入僧數中，如萬川歸海。譬如眾藥草，依止於雪山；百穀諸草木，皆依止於地；(225c) 一切諸善人，皆在僧數中。』

※ 佛讚阿泥盧頭等三人 (印順法師，大智度論筆記)〔G001〕p.378)

復次，汝等曾聞佛為長鬼神將軍讚三善男子——阿泥盧陀、難提、迦翅彌羅不？佛言：『若一切世間天及人，一心念三善男子，長夜得無量利益。』¹⁰⁰以是事故，倍當信敬僧！是三人不名僧¹⁰¹，佛說念三人有如是果報，何況一心清淨念僧？是故，檀越！當任力¹⁰²念僧名，如說偈：

『是諸聖人眾，則為雄猛軍，摧滅魔王賊，是伴至涅槃！』

諸沙彌為檀越種種說僧聖功德；檀越聞已，舉家大小皆見四諦，得須陀洹道。以是因緣故，應當一心念僧。

四、念戒 (印順法師，大智度論筆記)〔F004〕p.330)

念戒者，

(一) 明戒之內容、修學次第，及其力用

1、二種戒、三種戒¹⁰³ (印順法師，大智度論筆記)〔J032〕p.521)

戒有二種：有漏戒、無漏戒。

有漏復有二種：一者、律儀戒，二者、定共戒。

2、初念三戒，後念無漏 (印順法師，大智度論筆記)〔F004〕p.330)

行者初學，念是三種戒；學三種已，但念無漏戒。

3、三戒之力用 (印順法師，大智度論筆記)〔A034〕p.65)

(1) 律儀戒

是律儀戒能令諸惡不得自在、枯朽折減¹⁰⁴。

(2) 定共戒

禪定戒能遮諸煩惱。何以故？得內樂故，不求世間樂。

(3) 無漏戒

無漏戒能拔諸惡煩惱根本故。

(二) 云何念戒

問曰：云何念戒？

答曰：

¹⁰⁰ 參見 Lamotte (1970, p.1405, n.1)：Majjhima (巴利《中部》) I, pp.205-211；《中阿含經》卷 48 (185 經)《牛角娑羅林經》(大正 1，729b-731a)。

¹⁰¹ 三人不名僧。(印順法師，《大智度論筆記》〔E011〕p.306)

¹⁰² 任力：盡力，費盡心力。(《漢語大詞典》(一)，p.1198)

¹⁰³

	┌ 律儀戒 ───┐	
┌ 有漏戒 ─┐	┌ 定共戒 ───┐	┌ 初學念三
戒 ─┐	┌ 無漏戒 ───┐	後但會一

 (印順法師，《大智度論筆記》〔A008〕p.14)

¹⁰⁴ 減=滅【石】。(大正 25，225d，n.23)

1、念戒如藥忌（印順法師，大智度論筆記）〔F004〕p.330）

如先說念僧中，佛如醫王，法如良藥，僧如瞻¹⁰⁵病人，戒如服藥禁忌；¹⁰⁶行者自念：我若不隨禁忌，三寶於我為無所益。又如導師指示好道，行者不用，導師無咎，以是故我應念戒。

2、戒是善本、出家初門、涅槃初因（印順法師，大智度論筆記）〔A034〕p.65）

復次，是戒，一切善法之所住處；譬如百穀藥木，依地而生。持戒清淨，能生長諸深禪定、實相智慧；亦是出家人之初門，一切出家人之所依仗，到涅槃之初因緣，如說：「持戒故心不悔，乃至得解脫涅槃。」¹⁰⁷

3、念清淨戒、不缺戒、不破戒、不穿戒、不雜戒、自在戒、不著戒、智者所讚戒¹⁰⁸

行者念：清淨戒，不缺戒，不破戒，不穿戒，不雜戒，自在戒，不著（226a）戒，智者所讚戒。¹⁰⁹

（1）清淨戒（印順法師，大智度論筆記）〔A034〕p.65）

無諸瑕隙，名為「清淨戒」。

（2）不缺戒，（3）不破戒（印順法師，大智度論筆記）〔A034〕p.65）

云何名「不缺戒」？

五眾¹¹⁰戒中除四重戒，犯諸餘重者是名「缺」，犯餘罪是為¹¹¹「破」。¹¹²

¹⁰⁵ 《大正藏》原作「瞻」，今依《高麗藏》作「瞻」（第 14 冊，603a8）。

¹⁰⁶ 參見《大智度論》卷 22（大正 25，224a22-25）。

¹⁰⁷ 念戒功德。（印順法師，《大智度論》筆記〔F004〕p.330）

參見《中阿含經》卷 10（42 經）《何義經》：「阿難！無欲者，令解脫義。阿難！若有無欲者，便得解脫一切姪、怒、癡。是為，阿難！因持戒便得不悔，因不悔便得歡悅，因歡悅便得喜，因喜便得止，因止便得樂，因樂便得定。阿難！多聞聖弟子因定便得見如實、知如真，因見如實、知如真便得厭，因厭便得無欲，因無欲便得解脫，因解脫便知解脫：生已盡，梵行已立，所作已辦，不更受有，知如真。阿難！是為法法相益、法法相因。如是此戒趣至第一，謂度此岸，得至彼岸。」（大正 1，485b6-16）

¹⁰⁸ 清淨戒、不缺戒、不破戒、不穿戒、不雜戒、自在戒、不著戒、智者所讚戒。（印順法師，《大智度論筆記》〔A034〕p.65）

¹⁰⁹ 參見《雜阿含經》卷 33（931 經）：「聖弟子自念淨戒、不壞戒、不缺戒、不污戒、不雜戒、不他取戒、善護戒、明者稱譽戒、智者不厭戒。聖弟子如是念戒時，不起貪欲、瞋恚、愚癡；乃至念戒所熏，昇進涅槃。」（大正 2，238a12-16）

《別譯雜阿含經》卷 8（156 經）：「云何念戒？所謂不壞戒、不缺戒、不雜戒、無垢戒、離恐懼戒、非戒盜戒、清淨戒、具善戒。念如是等諸禁戒時，即得離於貪欲、瞋恚、愚癡、邪見。」（大正 2，433a6-9）

《中阿含經》卷 23（94 經）（《黑比丘經》）：「若有一人不犯戒、不越戒、不缺戒、不穿戒、不污戒、稱譽持戒者，此法可樂、可愛、可喜，能令愛念，能令敬重，能令修習，能令攝持，能令得沙門，能令得一意，能令得涅槃。」（大正 1，576c23-26）

¹¹⁰ 印順法師，《原始佛教聖典之集成》，pp.133-134：

五眾是五蘊或五聚的異譯，就是「五犯聚」。《僧祇律》又稱為「五篇」，如卷 12 說：「犯波羅夷、僧伽婆尸沙、波夜提、波羅提提舍尼、越毘尼，以是五篇罪謗，是名誹謗諍。」（大正 22，328c11-13）

¹¹¹ 為一名【石】。（大正 25，226d，n.1）

¹¹² 參見慧遠撰，《大乘義章》卷 12：「清淨戒者，如論釋言：無諸瑕穢名清淨戒，此句通明五篇清淨。不缺戒者，除離初篇、二篇重惡，名不缺戒。不破戒者，離後三篇，名不破戒。」（大

復次，身罪名「缺」，口罪名「破」。

復次，大罪名「缺」，小罪名「破」。

〔4〕不穿戒（印順法師，大智度論筆記》〔A034〕p.65）

善心迴向涅槃，不令結使、種種惡覺觀得入，是名「不穿」。

〔5〕不雜戒（印順法師，大智度論筆記》〔A034〕p.65）

為涅槃、為世間，向二處，是名為「雜」。

〔6〕自在戒（印順法師，大智度論筆記》〔A034〕p.65）

隨戒，不隨外緣。如自在人無所繫屬，持是淨戒，不為愛結¹¹³所拘，是為「自在戒」。

〔7〕不著戒（印順法師，大智度論筆記》〔A034〕p.65）

於戒¹¹⁴不生愛、慢等諸結使，知戒實相，亦不取是戒。若取是戒，譬如人在囹圄，桎梏所拘，雖得蒙赦，而復為金鎖所繫。人為恩愛煩惱所繫，如在牢獄；雖得出家，愛著禁戒，如著金鎖。行者若知戒是無漏因緣而不生著，是則解脫，無所繫縛，是名「不著戒」。

〔8〕智者所讚戒（印順法師，大智度論筆記》〔A034〕p.65）

A、三乘聖者所讚

諸佛、菩薩、辟支佛及聲聞所讚戒，若行是戒、用是戒，是名「智所讚戒」。

外道戒者，牛戒、鹿戒、狗戒，羅刹鬼戒，啞戒、聾戒——如是等戒，智所不讚，唐苦無善報。

B、無漏戒：正語、正業、正命

復次，智所讚者，於三種戒中，無漏戒不破不壞，依此戒得實智慧，是聖所讚戒。無漏戒有三種：如佛說**正語、正業、正命**。是三業義，如八聖道中說¹¹⁵，是中應廣說。

※ 釋疑一：慧前戒中定後，次第之理（印順法師，大智度論筆記》〔A041〕p.79）

問曰：若持戒是禪定因緣，禪定是智慧因緣，八聖道中何以慧在前，戒在中，定在後？

答曰：行路之法，應先以¹¹⁶眼見道而後行，行時當精勤；精勤行時，常念如導師所教；念已，一心進路，不順非道。

〔A〕正見

正見亦如是。先以正智慧，觀五受眾皆苦，是名「苦」；苦從愛等諸結使和合生，是名「集」；愛等結使滅，是名「涅槃」；如是等觀八分，名為（226b）「道」

正 44，711c3-6）

¹¹³ 結＝等【宋】【元】【明】【宮】。（大正 25，226d，n.2）

¹¹⁴ 戒＋（中）【石】。（大正 25，226d，n.3）

¹¹⁵ 參見《大智度論》卷 19（大正 25，203a14-23，205b9-c17）。

¹¹⁶ 以＝用【石】。（大正 25，226d，n.8）

——是名「正見」。行者是時心定知世間虛妄可捨，涅槃實法可取，決¹¹⁷定是事，是名「正見」。

（B）正思惟

知見是事，心力未大，未能發行；思惟籌量，發動正見令得力，是名「正思惟」。

（C）正語，（D）正業，（E）正命

智慧既發，欲以言宣故，次「正語」、「正業」、「正命」戒。

（F）正方便

行時精進不懈，不令住色、無色定中，是名「正方便」。

（G）正念

用是正見觀四諦，常念不忘：念一切煩惱是賊，應當捨；正見等是我真伴，應當隨，是名「正念」。

（H）正定

於四諦中攝心不散，不令向色、無色定中，一心向涅槃，是名「正定」。

※ 釋疑二：初學有次第，無漏心中一心具（印順法師，大智度論筆記》〔A041〕p.79）

是初，得善有漏，名為煖法、頂法、忍法中義；次第增進，初、中、後心。入無漏心中疾，一心中具，無有前後分別次第。

※ 釋疑三：八分相助，各有特能（印順法師，大智度論筆記》〔A041〕p.79）

正見相應，正思惟、正方便、正念、正定，三種戒隨是分¹¹⁸分行。

正見：分別好醜利益為事；

正思惟：發動正見為事；

正語等：持是智慧諸功德，不令散失；

正方便：驅策令速進不息；

正念：七事所應行者，憶而不忘；

正定：令心清淨，不濁、不亂，令正見七分得成；如無風房¹¹⁹中燈，則照明¹²⁰了了。

如是無漏戒，在八聖道中，亦為智者所讚。

C、有漏戒（在四加行）生無漏，故應行（印順法師，大智度論筆記》〔A034〕p.65）

問曰：無漏戒應為智者所讚，有漏戒何以讚？

答曰：有漏戒似無漏，隨無漏同行因緣，是故智者合讚。

如賊中有人叛來歸我，彼雖是賊，今來向我，我當內¹²¹之，可以破賊，何可不念！

¹¹⁷ 《大正藏》原作「快」，今依《高麗藏》作「決」（第 14 冊，603c7）。

¹¹⁸ 分=五【宋】【元】【明】【宮】【石】。（大正 25，226d，n.10）

¹¹⁹ 房+（舍）【石】。（大正 25，226d，n.11）

¹²⁰ 明=則【石】。（大正 25，226d，n.12）

¹²¹ 內=由【宋】【元】【明】【宮】【石】。（大正 25，226d，n.13）

內：2. “納”的古字。接納，容納，採納。（《漢語大詞典》（一），p.995）

諸煩惱賊在三界城中住，有漏戒善根——若煖法、頂法、忍法、世間第一法，與餘有漏法異故，行者受用。以是因緣故，破諸結使賊，得苦法忍無漏法財，以是故智者所讚。

〔三〕總結「念戒」

是名「念戒」。

五、念捨¹²²（印順法師，大智度論筆記》〔F004〕p.330）

「念捨」者，有二種捨：一者、施¹²³，二者、(226c)捨諸煩惱。

施捨有二種：一者、財施，二者、法施。三種捨¹²⁴和合，名為「捨」。

〔一〕念財捨（印順法師，大智度論筆記》〔F004〕p.330）

財施是一切善法根本故，行者作是念：「上四念¹²⁵因緣故得差煩惱病，今以何因緣故得是四念？則是先世、今世於三寶中少有布施因緣故。」所以者何？

1、施三寶必得涅槃（印順法師，大智度論筆記》〔A033〕p.62）

眾生於無始世界中不知於三寶中布施故，福皆盡滅。是三寶有無量法，是故施亦不盡，必得涅槃。¹²⁶

2、布施是初助道因緣（印順法師，大智度論筆記》〔A033〕p.62）

復次，過去諸佛初發心時，皆以少多布施為因緣；如佛說：「是布施是初助道因緣。」¹²⁷

3、人命無常，財物如電，應布施作助道因緣

復次，人命無常，財物如電，若人不乞，猶尚應與，何況乞而不施？以是應施，作助道因緣。

4、財為煩惱業因緣，常應自捨，何況施得大福而不布施

復次，財物是種種煩惱罪業因緣；若持戒、禪定、智慧種種善法，是涅槃因緣。以是故，財物尚應自棄，何況好福田中而不布施？

※ 兄弟二人投金入水事（印順法師，大智度論筆記》〔G001〕p.378）

譬如有兄弟二人，各擔十斤金行道中，更無餘伴。

兄作是念：「我何以不殺弟取金？此曠路中人無知者。」

弟復生念，欲殺兄取金。

兄弟各有惡心，語言視瞻皆異。

兄弟即自悟，還生悔心：「我等非人，與禽獸何異？同生兄弟，而為少金故而生惡心！」

¹²²

「財施

「施捨」法施

捨」捨煩惱

（印順法師，《大智度論筆記》〔A008〕p.15）

¹²³ 施+（捨）【宋】【元】【明】【宮】【石】。（大正 25，226d，n.14）

¹²⁴ 三種捨：財施、法施、捨煩惱。

¹²⁵ 四念：念佛、念法、念僧、念戒。

¹²⁶ 施是涅槃資糧。（印順法師，《大智度論筆記》〔C026〕p.229）

¹²⁷ 施是助道因緣。（印順法師，《大智度論筆記》〔G001〕p.378）

兄弟共至深水邊，兄以金投著水中。弟言：「善哉！善哉！」

弟尋復棄金水中。兄復言：「善哉！善哉！」

兄弟更互相問，何以故言「善哉」？

各相¹²⁸答言：「我以此金故，生不善心，欲相危¹²⁹害；今得棄之，故言善哉！」二辭各爾。

以是故知財為惡心因緣，常應自捨！何況施得大福而不¹³⁰施？

※ 讚布施偈（印順法師，大智度論筆記》〔G001〕p.378）

如說¹³¹：「施名行寶藏，亦為善親友，終始相利益，無有能壞者。（227a）

施為好¹³²密蓋，能遮飢渴雨；施為堅牢船，能度貧窮海。

慳為凶衰相，為之生憂畏；洗之以施水，則為生福利。

慳惜不衣食，終身無歡樂，雖云有財物，與貧困無異。

慳人之室宅，譬如丘塚墓，求者遠避之，終無有向者。

如是慳貪人，智者所擯¹³³棄；命氣雖未盡，與死等無異。

慳人無福慧，於施無堅要；臨當墮死坑，戀惜生懊恨；

涕泣當獨去，憂悔火燒身。好施者安樂，終無有是苦。

人修布施者，名聞滿十方，智者所愛敬，入眾無所畏，

命終生天上，久必得涅槃！」

如是等種種訶慳貪、讚布施。

是名「念財施」。

（二）念法捨（印順法師，大智度論筆記》〔F004〕p.330）

云何念法施？

1、法施二說（印順法師，大智度論筆記》〔A033〕p.61）

（1）法施因緣令得道

行者作是念：「法施利益甚大！法施因緣故，一切佛弟子等得道。」

（2）財施法施勝劣之比較：五義¹³⁴（印順法師，大智度論筆記》〔A033〕p.61）

復次，佛說：「二種施中，法施為第一。」¹³⁵何以故？

A、有量，無量

財施果報有量，法施果報無量。

¹²⁸ 〔相〕－【宋】【元】【明】【宮】。（大正 25，226d，n.23）

¹²⁹ 危＝殺【石】。（大正 25，226d，n.24）

¹³⁰ 不＋（布）【宋】【元】【明】【宮】【石】。（大正 25，226d，n.25）

¹³¹ 說＋（偈）【元】【明】【石】。（大正 25，226d，n.26）

¹³² 好＝善【石】。（大正 25，227d，n.1）

¹³³ 擯＝殯【宮】。（大正 25，227d，n.5）

¹³⁴ 「財——有量、欲界報、施則物少、舊法、救飢渴等

財、法二施之比較 — 法——無量、三界報或出、施則法增、新法、除結使

（印順法師，《大智度論筆記》〔F009〕p.336）

¹³⁵ 參見《增壹阿含經》卷 7：「世尊告諸比丘：有此二施，云何為二？所謂法施、財施。諸比丘！施中之上者不過法施。是故諸比丘常當學法施。」（大正 2，577b15-17）

《本事經》卷 5：「於此財、法二種施中，法施最上勝妙第一。」（大正 17，683c13-14）

另參見 Anguttara（巴利《增支部》）I, p.91。

B、欲界報，三界報或出三界報

財施欲界報；法施三界報，亦出三界報。

若不求名聞、財利、力勢，但為學佛道，弘大慈悲¹³⁶，度眾生、老、病、死苦，是名「清淨法施」。¹³⁷若不爾者，為如市易¹³⁸法。

C、施則物少，施則法增

復次，財施施多，財物減少；法施施多，法更增益。

D、舊法，新法

財施是無量世中舊法；法施，聖法初來未¹³⁹得，名為新法。

E、救飢渴等，除結使

財施但能救諸飢渴、寒熱等病，法施能除九十八諸煩惱¹⁴⁰等病。

如是等種（227b）種因緣分別財施、法施，行者應念法施。

2、法施之內容

問曰：何等是法施？

答曰：

(1) 方式

佛所說十二部經¹⁴¹，清淨心為福德與他說，是名「法施」。

復有以神通力令人得道，亦名法施。如《網明¹⁴²菩薩經》中說：「有人見佛光明得道者、生天者。」¹⁴³如是等口雖不說，令他得法故，亦名「法施」。

(2) 觀眾生心性、惑多少、利鈍而說法¹⁴⁴（印順法師，大智度論筆記〔F009〕p.336）

¹³⁶ 悲+（心）【元】【明】。（大正 25，227d，n.7）

¹³⁷ 真淨法施。（印順法師，大智度論筆記〔A033〕p.61）

¹³⁸ 市易：1.交易，貿易。（《漢語大詞典》（三），p.687）

¹³⁹ 未=難【宋】【元】【明】【宮】。（大正 25，227d，n.9）

¹⁴⁰ 參見《十住毘婆沙論》卷 16：「貪、瞋、慢、無明、身見、邊見、見取、戒取、邪見、疑，是十根本，隨三界見諦思惟所斷分別，故名九十八使。」（大正 26，108b29-c2）

另參見圓暉述，《俱舍論頌疏論本》卷 19（大正 41，924a8-16）。

¹⁴¹ 參見《增壹阿含經》卷 21：「十二部經如來所說，所謂契經、祇夜、本末、偈、因緣、授決、已說、造頌、生經、方等、合集、未曾有。」（大正 2，657a2-4）

另參見印順法師，《原始佛教聖典之集成》，p.476：「九分教與十二分教，舊譯為九部經與十二部經。十二分教的名目，玄奘譯為：契經、應頌、記說、伽陀、自說、因緣、譬喻、本事、本生、方廣、希法、論議。（《大毘婆沙論》卷 126（大正 27，659c））」

¹⁴² 網明=明網【宮】。（大正 25，227d，n.11）

¹⁴³ 參見《持心梵天所問經》卷 1（大正 15，1b20-22），《思益梵天所問經》卷 1（大正 15，33c14-15），《勝思惟梵天所問經》卷 1（大正 15，62c24-26）。

佛光能說法度生：遇光得度。（印順法師，大智度論筆記〔C019〕p.219）

（網明）見佛光明得道生天。（印順法師，大智度論筆記〔H016〕p.408）

¹⁴⁴ 1、為淫重說不淨觀、為瞋重說慈心、為癡重說因緣、二雜三雜可知

觀眾生心性感多少 2、著眾生相說無我、著無我說五眾相續不令斷滅

利鈍而說法 3、求富說施、欲生天說持戒、人中貧乏說天上事

4、患居家說出家法、著財居家說五戒法、不樂世間為說三法印

（印順法師，大智度論筆記〔F009〕p.336）

是法施應觀眾生心性、煩惱多少、智慧利鈍，應隨所利益而為說法；譬如隨病服藥則有益。¹⁴⁵

A、為姪重說不淨觀、為瞋重說慈心、為癡重說因緣、二雜三雜可知（〔F009〕p.336）

有姪欲重，有瞋恚重，有愚癡重，有兩兩雜、三三雜。

姪重者為說不淨觀，瞋重者為說慈心，癡重者為說深因緣；兩雜者說兩觀，三雜者說三觀。

若人¹⁴⁶不知病相，錯投藥者，病則為增。

B、著眾生相說無我、著無我說五眾相續不令斷滅（印順法師，大智度論筆記）〔F009〕p.336）

若著眾生相者，為說但有五眾，此中無我；若言無眾生相者，即為說五眾相續有，不令墮斷滅故。

C、求富說施、欲生天說持戒、人中貧乏說天上事（印順法師，大智度論筆記）〔F009〕p.336）

求富樂者，為說布施；欲生天者，為說持戒；人中多所貧乏者，為說天上事。

D、患居家說出家法、著財居家說五戒法、不樂世間說三法印（〔F009〕p.336）

惱患居家者，為說出家法；著錢財居家者，為說在家五戒法；若不樂世間，為說三法印：無常，無我，涅槃。¹⁴⁷

依隨經法，自演作義理、譬喻，莊嚴法施，為眾生說。

如是等種種利益故，當念法施。

（三）念捨煩惱（印順法師，大智度論筆記）〔F004〕p.330）

1、捨煩惱如捨毒蛇

「捨煩惱」者，三結乃至九十八使等皆斷除却，是名為「捨」。念捨是法，如捨毒蛇、如捨桎梏，得安隱歡喜。

2、念捨煩惱亦入念法中

復次，念捨煩惱，亦入念法中。

※ 因論生論：若念捨煩惱亦入「念法」中，何故於「念捨」中更說捨煩惱

問曰：若入念法中，今何以更說？

答曰：

（1）捨諸煩惱難得故別說

捨諸煩惱，是法微妙難得，無上、無量，是故更別說。

（2）念法與念捨行相別，故別說

復次，念法與念捨異。念法，念佛法微妙，諸法中第一；念捨，念諸煩惱罪惡，捨之為快。行相別，是為異。（227c）

如是等種種因緣，行者當念捨。

¹⁴⁵ 法施應觀機說。（印順法師，《大智度論筆記》〔A033〕p.62）

應機予法之相。（印順法師，《大智度論筆記》〔C023〕p.225）

¹⁴⁶ 人=人【宋】【元】【明】。（大正 25，227d，n.15）

¹⁴⁷ 患居家為說出家法，厭世間為說三法印。（印順法師，《大智度論筆記》〔C023〕p.224）

3、念捨除增上慢（印順法師，大智度論筆記》〔F004〕p.330）

念捨者，是初學禪智中，畏生增上慢。

六、念天（印順法師，大智度論筆記》〔F004〕p.331）**（一）念六欲天**（印順法師，大智度論筆記》〔D009〕p.251）

「念天」者，有四天王天，乃至他化自在天。

※ 釋疑：佛弟子應念佛及念法，何以念天

問曰：佛弟子應一心念佛及佛法，何以念天？

答曰：

1、知由施因得天報

知布施業因緣果報故受天上富樂，以是因緣故念天。

2、知有生天之福而不受

復次，是八念，佛自說因緣。念天者應作是念：「有四天王天，是天五善法因緣故生彼中：信罪福，受持戒，聞善法，修布施，學智慧；¹⁴⁸我亦有是五法，以是故歡喜，言：『天以是五法故，生富樂處，我亦有是；我欲生彼，亦可得生，我以天福無常故不受。』乃至他化自在天亦如是。」

（二）念三界天（印順法師，大智度論筆記》〔F004〕p.331）

問曰：三界中清淨天多，何以故但念欲天？

答曰：聲聞法中說念欲界天，摩訶衍中說念一切三界天。¹⁴⁹

行者未得道時，或心著人間五欲，以是故佛說念天。若能斷婬欲，則生上二界天中；若不能斷婬欲，即¹⁵⁰生六欲天中，是有妙細清淨五欲。佛雖不欲令人更生受五欲，有眾生不任¹⁵¹入涅槃，為是眾生故說念天。如國王子在高危處立，不可救護，欲自投地；王使人敷厚綿褥，墮則不死，差¹⁵²於墮地故。

（三）念生天、生淨天（淨生天）¹⁵³

復次，有四種天：名天、生天、淨天、生淨¹⁵⁴天。¹⁵⁵

1、名天

「名天」者，如今國王名「天子」。

¹⁴⁸ 五善因緣生欲天。（印順法師，《大智度論筆記》〔C023〕p.225）

¹⁴⁹ 小念六欲天，大念三界天。（印順法師，《大智度論筆記》〔D009〕p.251）

¹⁵⁰ 〔即〕—【宋】【元】【明】【宮】，即=則【石】。（大正 25，227d，n.20）

¹⁵¹ 任=住【明】。（大正 25，227d，n.21）

任：4.能，堪。《史記·白起王翦列傳》：“是時武安君病，不任行。”（《漢語大詞典》（一），p.1196）

¹⁵² 差（彳丫丿）：1.差別，不同。（《漢語大詞典》（二），p.973）

¹⁵³ 印順法師，《大智度論筆記》〔F004〕p.331 作「念淨天、淨生天」，但《大智度論》卷 22 云：「念是二種天：生天，生淨^{*}天，如是等天是名念天。」（大正 25，228a1-2）

※生淨=淨生【宋】【元】【明】【宮】*。

¹⁵⁴ 生淨=淨生【宋】【元】【明】【宮】*。（大正 25，227d，n.23）

¹⁵⁵ 四種天=名、生、淨、淨生。（印順法師，《大智度論筆記》〔C012〕p.204）

2、生天

「生天」者，從四天王乃至非有想非無想天。

3、淨天

「淨天」者，人中生諸聖人。

4、生淨天（淨生天）

「生淨¹⁵⁶天」者，三界天中生諸聖人，所謂須陀洹、家家¹⁵⁷、斯陀含、一種，或於天上得阿那含、阿羅漢道。

生淨¹⁵⁸天，色界中有五種阿那含，不還是間¹⁵⁹，即於彼¹⁶⁰得阿羅漢。

無色界中一種阿那含，離色界，生無色界，是中修無（228a）漏道，得阿羅漢入涅槃。¹⁶¹

念是二種天：生天，生淨¹⁶²天。

如是等天，是名「念天」。

七、念安那般那（印順法師，大智度論筆記）〔F004〕p.331）

念安那般那者，如《禪經》¹⁶³中說。

八、念死（印順法師，大智度論筆記）〔F004〕p.331）

（一）念二死（印順法師，大智度論筆記）〔F004〕p.331）

念死者，有二種死：一者、自死，二者、他因緣死。

是二種死，行者常念：「是身若他不殺，必當自死；如有為法中，不應彈指頃生信不死心。是身一切時中皆有死，不待老，不應恃¹⁶⁴是種種憂惱、凶衰身，生心望安隱不死，是心，癡人所生。身中四大各各相害¹⁶⁵，如人持毒蛇篋¹⁶⁶，¹⁶⁷云何智人以為安隱？若出氣保¹⁶⁸當還入，入息保出，睡眠保¹⁶⁹復得還覺，是皆難必！何以故？是身內外多怨故。」

如說：「或有胎中死，或有生時死，或年壯時死，或老至時¹⁷⁰死。

亦如果熟時，種種因緣墮。當求免¹⁷¹離此，死怨之惡¹⁷²賊。

¹⁵⁶ 生淨＝淨生【明】。（大正 25，227d，n.24）

¹⁵⁷ 〔家〕－【宮】。（大正 25，227d，n.25）

¹⁵⁸ 生淨＝淨生【宋】【元】【明】【宮】＊。（大正 25，227d，n.23-1）

¹⁵⁹ 是間：指欲界。

¹⁶⁰ 彼：指色界。

¹⁶¹ 生天之聖人。（印順法師，《大智度論筆記》〔A055〕p.92）

¹⁶² 生淨＝淨生【宋】【元】【明】【宮】＊。（大正 25，227d，n.23-2）

¹⁶³ 參見《達摩多羅禪經》卷上（大正 15，301b28-302b21）。

¹⁶⁴ 恃＝持【宋】【宮】。（大正 25，228d，n.1）

¹⁶⁵ 四大各各相尅。（印順法師，《大智度論筆記》〔D001〕p.237）

¹⁶⁶ 篋（く一せゝ）：小箱子，藏物之具。（《漢語大詞典》（八），p.1207）

¹⁶⁷ 參見《雜阿含經》卷 43（1172 經）（大正 2，313b14-314a1）。

¹⁶⁸ 保：8.擔保，保證。（《漢語大詞典》（一），p.1385）

¹⁶⁹ 〔保〕－【宋】【元】【明】【宮】【石】。（大正 25，228d，n.3）

¹⁷⁰ 老至時＝至時老【石】。（大正 25，228d，n.4）

是賊難可信，時捨¹⁷³則安隱。假使大智人，威德力無上；
無前亦無後，於今無脫者。亦無巧辭謝¹⁷⁴，無請求得脫；
亦無捍拏¹⁷⁵處，可以得免者；¹⁷⁶亦非持淨戒、精進可以脫。
死賊無憐愍，來時無避處！」

是故行者不應於無常危脆命中而信望活。

〔二〕諸比丘自說念死想（印順法師，大智度論筆記）〔G001〕p.378）

如佛為比丘說死相¹⁷⁷義。¹⁷⁸

有一比丘偏袒白佛：「我能修是死相！」

佛言：「汝云何修？」

比丘言：「我不望過七歲活！」

佛言：「汝為放逸修死相！」

有比丘言：「我不望過七月活！」

有比丘言：「七日。」

有言：六、五、四、三、二、一日活。（228b）

佛言：「汝等皆是放逸修死相¹⁷⁹！」

有言：「從旦至食時。」

有言：「一食頃。」

佛言：「汝等亦是放逸修死相！」

一比丘偏袒白佛：「我於出氣不望入，於入氣不望出！」

佛言：「是真¹⁸⁰修死相，為不放逸比丘！一切有為法，念念生滅，住時甚少；其猶如幻，欺誑無智。」

行者如是等種種因緣念死相¹⁸¹。

〔參〕八念次第（印順法師，大智度論筆記）〔F004〕p.331）

問曰：「法」是三世諸佛師¹⁸²，何以故「念佛」在前？是八念云何有次第？

¹⁷¹ 免=勉【宮】。（大正 25，228d，n.5）

¹⁷² 怨之惡=惡之怨【宋】【元】【明】【宮】。（大正 25，228d，n.6）

¹⁷³ 時捨=捨時【宋】【元】【明】【宮】。（大正 25，228d，n.7）

¹⁷⁴ 謝：9.除去。10.避免，避開。（《漢語大詞典》（十一），p.373）

¹⁷⁵ 捍（尸弓、）：1.抵禦護衛。2.抗拒。（《漢語大詞典》（六），p.607）

拏（《ㄘ、》）：擊，格鬥。（《漢語大詞典》（六），p.585）

¹⁷⁶ 參見《大智度論》卷 21（大正 25，217a17-20）。

¹⁷⁷ 相=想【明】*。（大正 25，228d，n.8）

¹⁷⁸ 參見 Lamotte（1970，p.1424，n.1）：《增壹阿含經》卷 35（大正 2，741c27-742b2）；Aṅguttara（巴利《增支部》）III，pp.303-306。

¹⁷⁹ 相=想【宋】【元】【明】【宮】。（大正 25，228d，n.10）

¹⁸⁰ 是真=真是【宋】【元】【明】【宮】。（大正 25，228d，n.11）

¹⁸¹ 參見《大智度論》卷 21（大正 25，217c27-29）。

¹⁸² 諸佛以法為師。（印順法師，《大智度論筆記》〔C021〕p.222）

參見《雜阿含經》卷 44（1188 經）：「梵天王復說偈言：過去等正覺，及未來諸佛，現在佛世尊，能除眾生憂。一切恭敬法，依正法而住。如是恭敬者，是則諸佛法。」（大正 2，322a20-25）

《別譯雜阿含經》卷 5（101 經）：「時梵主天……即說偈言：過去現在諸如來，未來世中一切佛，是諸正覺能除惱，一切皆依法為師。親近於法依止住，斯是三世諸佛法，是故欲尊於

答曰：

一、念佛，二、念法，三、念僧

※ **三寶次第第二說**（印順法師，大智度論筆記）〔E011〕p.306）

（一）第一說

1、念佛

是法雖是十方三世諸佛師，佛能演出是法，其功大故。

譬如雪山中有寶山，寶山頂有如意寶珠、種種寶物。多有人欲上，或有半道還者，有近而還者。有一大德國王，憐愍眾生，為作大梯；人民大小，乃至七歲小兒，皆得上山，隨意取如意珠等種種寶物。

佛亦如是，世間諸法實相寶山，九十六種異道¹⁸³皆不能得，乃至梵天王求諸法實相亦不能得，何況餘人！佛以大慈悲憐愍眾生故，具足六波羅蜜，得一切智慧方便，說十二部經、八萬四千法聚梯；阿若憍陳如、舍利弗、目犍連、摩訶迦葉，乃至七歲沙彌蘇摩¹⁸⁴等，皆得諸無漏法：根、力、覺、道、實相。實相雖微妙，一切眾生皆蒙佛恩故得。以是故，**念佛**在前。

2、念法

次第**念法**。

3、念僧

次第**念僧**。僧隨佛語，能解法故第三；餘人不能解，僧能得解，以是故稱為「寶」。¹⁸⁵人中寶者是**佛**，九十六種道法中寶者是**佛法**，一切眾中寶者是**僧**。

（二）第二說

復次，以**佛**因緣故**法**出世間，以**法**因緣故有**僧**。

四、念戒

行者念：「我云何當得法寶，得在僧數中？當除却一切麤細身、口惡業。」是故次第說「持戒」。

復次，云何分別有七（228c）眾¹⁸⁶？以有戒故。

五、念捨

欲除心惡、破慳貪故念捨，欲令受者得樂故破瞋恚，信福得果報故破邪見。

六、念天

住持戒、布施法中，則為住十善道中，離十不善道。

十善道有二種果：若上行者得淨天中生，中行得生天。¹⁸⁷以是故，戒、施次第「念天」。

己者，應先尊重敬彼法，宜當憶念佛所教，尊重供養無上法。」（大正 2，410b1-8）

另參見 Lamotte（1970, p.1425, n.2）：Samyutta（巴利《相應部》）I, pp.138-140。

¹⁸³ 參見《增壹阿含經》卷 20〈28 聲聞品〉（大正 2，651c29-652a1）。

¹⁸⁴ 參見 Lamotte（1970, p.1426, n.3）：《撰集百緣經》卷 9（大正 4，245a3-b2），《根本說一切有部毘奈耶藥事》卷 16（大正 24，79c1-29）。

¹⁸⁵ 寶。（印順法師，《大智度論筆記》〔E011〕p.306）

¹⁸⁶ 七眾：比丘、比丘尼、沙彌、沙彌尼、式叉摩那、優婆塞、優婆夷。

¹⁸⁷ 十善道，有二種果：上行生淨天，中行得生天。（印順法師，《大智度論筆記》〔A047〕p.83）

七、念安那般那

行禪定故，得二種天¹⁸⁸。

滅諸惡覺，但集善法，攝心一處；是故念天次第「念安那般那」。

八、念死

念安那般那，能滅諸惡覺，如雨淹塵；見息出入，知身危脆，由息入出，身得存立。是故念入出息次第「念死」。¹⁸⁹

復次，行者或時恃有七念，著此功德，懈怠心生，是時當念死：「死事常在前，云何當懈怠、著此法愛！」如阿那律，佛滅度時說¹⁹⁰：

「有為法如雲，智者不應信，無常金剛來，破聖主山王！」¹⁹¹

九、小結

是名八念次第。

（肆）聲聞八念與菩薩八念之差別¹⁹²

問曰：是說聲聞八念，菩薩八念有何差別？

答曰：

一、聲聞為己身，菩薩為一切眾生

聲聞為身故，菩薩為一切眾生故。

二、聲聞但為脫老、病、死，菩薩為具足一切功德

聲聞但為脫老、病、死故，菩薩為遍具一切智¹⁹³功德故。是為差別。

三、菩薩以不住、不可得具足八念（印順法師，大智度論筆記〔F004〕p.331）

復次，佛是中亦說：「告舍利弗：菩薩摩訶薩以¹⁹⁴不住法住般若波羅蜜中，應具足檀波羅蜜，乃至應具足八念，不可得故。」¹⁹⁵

初有「不住」，後有「不可得」——以¹⁹⁶此二印，以是故異。

「不住」¹⁹⁷、「不可得」¹⁹⁸義，如先說（丹注云：八念竟）。

¹⁸⁸ 二種天：色界天、無色界天。

¹⁸⁹ 念死相——出入息不保。（印順法師，《大智度論筆記》〔H001〕p.388）

¹⁹⁰ 說+（偈）【石】。（大正 25，228d，n.15）

¹⁹¹ 阿那律嘆佛滅偈。（印順法師，《大智度論筆記》〔G001〕p.378）

阿那律佛滅時說。（印順法師，《大智度論筆記》〔H025〕p.418）

參見 Lamotte（1970，p.1429，n.2）：Dīgha（巴利《長部》）II，p.157。

¹⁹² 大乘八念：為一切生，集一切德，無所得空。（印順法師，《大智度論筆記》〔F004〕p.331）

¹⁹³ 一切智=足一切【宋】【元】【明】【宮】。（大正 25，228d，n.17）

¹⁹⁴ 〔以〕—【宋】【元】【明】【宮】。（大正 25，228d，n.18）

¹⁹⁵ 參見《摩訶般若波羅蜜經》卷 1〈1 序品〉（大正 8，218c21-219a11）。

¹⁹⁶ 以=有【宋】【元】【明】【宮】。（大正 25，228d，n.19）

¹⁹⁷ 參見《大智度論》卷 11：「問曰：云何名不住法住般若波羅蜜中，能具足六波羅蜜？答曰：如是菩薩觀一切法非常非無常、非苦非樂、非空非實、非我非無我、非生滅非不生滅，如是住甚深般若波羅蜜中，於般若波羅蜜相亦不取，是名不住法住。若取般若波羅蜜相，是為住法住。」（大正 25，140a5-12）

¹⁹⁸ 參見《大智度論》卷 19（大正 25，197a12-b9），另參見《大智度論》卷 12（大正 25，148b1-150a17）。